

vada para impartir estudos conducentes á obtención de títulos de carácter oficial e validez nacional, requirirá a aprobación da comunidade autónoma, por proposta do Consello de Goberno da universidade, logo informe favorable do seu Consello Social.

O Decreto 259/1994, do 24 de xullo, que establece o procedemento para a creación e recoñecemento de universidades, centros universitarios e autorización de estudos na Comunidade Autónoma de Galicia, regula nos artigos 5 e 6 o procedemento de adscrición de centros e autorización de estudos universitarios conducentes a títulos de carácter oficial e validez nacional.

No Decreto 385/2009, do 27 de agosto, polo que se autoriza a implantación de ensinanzas universitarias oficiais de grao nas universidades do Sistema Universitario de Galicia para o curso 2009-2010 autorizouse a Universidade de Vigo a impartir, entre outras, as ensinanzas de grao en administración e dirección de empresas.

A Escola de Negocios Caixanova de titularidade da Caixa de Aforros de Vigo, Ourense e Pontevedra (*Caixanova*) foi creada en 1987 de cara a formar directivos e profesionais das empresas e organizacións de Galicia na convicción de que a nosa economía e competitividade depende fundamentalmente da súa competencia. Ao longo dos seus vinte e dous anos de vida a Escola ten complementado o labor de investigación da Universidade de Vigo co desenvolvemento de traballos orientados ao apoio dos nosos sectores estratéxicos e do desenvolvemento empresarial.

Por todo isto, en aplicación da normativa vixente, por proposta do Consello de Goberno da Universidade de Vigo, logo dos informes favorables do seu Consello Social e do Consello Galego de Universidades, en exercicio das competencias sinaladas na Lei 2/2003, do 22 de maio, en uso das atribucións conferidas pola Lei 1/1983, do 22 de febreiro, reguladora da Xunta e da súa Presidencia, por proposta do conselleiro de Educación e Ordenación Universitaria e logo da deliberación do Consello da Xunta de Galicia na súa reunión do día vinte e tres de decembro de dous mil nove,

DISPOÑO:

Artigo 1º

Apróbase a adscrición á Universidade de Vigo da Escola de Negocios Caixanova, baixo a titularidade da Caixa de Aforros de Vigo, Ourense e Pontevedra (*Caixanova*).

Artigo 2º

Autorízase a implantación na sede de Vigo da Escola de Negocios Caixanova das ensinanzas conducentes ao título de grao en administración e dirección de empresas pola Universidade de Vigo.

Artigo 3º

A Escola de Negocios Caixanova, no seu carácter de centro universitario adscrito á Universidade de Vigo rexerase pola Lei orgánica 6/2001, de universi-

dades, modificada pola Lei orgánica 4/2007, do 12 de abril, e demais normativa aplicable do Estado e da comunidade autónoma, pola normas de organización e funcionamento da Universidade de Vigo, polo seu propio regulamento e polo convenio de adscrición asinado o 23 de xullo de 2009 entre a universidade e o titular do centro.

Disposicións adicionais

Primeira.-A efectiva implantación na Escola de Negocios Caixanova do título requirirá a modificación do seu actual plan de estudos de cara a incluír nel un novo itinerario que se impartirá na Escola, polo que a universidade procederá a notificar a dita modificación ao Consello de Universidades, para os efectos sinalados no artigo 28 do Real decreto 1393/2007, do 29 de outubro, polo que se establece a ordenación das ensinanzas universitarias oficiais.

Segunda.-Unha vez aceptada a proposta de modificación do plan de estudos, o reitor ou reitora da universidade solicitará ao departamento competente en materia de universidades a autorización para o inicio de actividades destas ensinanzas ao abeiro da normativa vixente.

Disposicións derradeiras

Primeira.-Autorízase o conselleiro de Educación e Ordenación Universitaria para que, no ámbito das súas competencias, dite as disposicións necesarias para o desenvolvemento deste decreto.

Segunda.-Este decreto entrará en vigor o día seguinte ao da súa publicación no *Diario Oficial de Galicia*.

Santiago de Compostela, vinte e tres de decembro de dous mil nove.

Alberto Núñez Feijóo
Presidente

Jesús Vázquez Abad
Conselleiro de Educación e Ordenación
Universitaria

Orde do 11 de decembro de 2009 pola que se declara de interese galego a Fundación Escuela del Desarrollo Armónico del Ser Humano e se ordena a súa inscrición no Rexistro de Fundacións de Interese Galego.

Con data do 6 de outubro de 2009 publicouse no *Diario Oficial de Galicia* a Orde do 23 de setembro de 2009, da Consellería de Presidencia, Administracións Públicas e Xustiza, pola que se clasifica de interese educativo a *Fundación Escuela del Desarrollo Armónico del Ser Humano*, adscribíndose á Consellería de Educación e Ordenación Universitaria, departamento ao que corresponde o exercicio das funcións de protectorado.

A fundación, segundo consta no artigo seis dos seus estatutos, ten por obxecto ser un centro educacional orientado aos seguintes fins: descubrir e desenvolver novos métodos para mellorar a vida e axudar ao desenvolvemento integral das persoas. Apoiar o desenvolvemento dos talentos innatos dos nenos e adultos, cultura das relacións en parella, que inclúe coñecementos para construír a relación día a día elixindo a parella conscientemente, segredos das relacións íntimas, saúde sexual e conflitos coa parella, a forma de saber resolver os conflitos, de manter e desenvolver o amor verdadeiro e a preparación adecuada para ter fillos, forma de vida saudable, educación dos fillos para que medren con harmonía e felicidade cunha alimentación sa, exercicio físico, ioga e unha cultura emocional adecuada, para que se convirta nun adulto capaz de expresar as súas emocións, réximes de nutrición de acordo coas estruturas psíquico-emocionais da persoa e métodos de prevención do estrés para o corpo físico, as emocións e o centro intelectual. Novos principios para a medicina do futuro, estudos do cerebro e das capacidades do ser humano, escola de desenvolvemento dos talentos, técnicas anti estrés, de revitalización e relaxación para afrontar a vida diaria.

A escritura pública de constitución da fundación contén os extremos previstos no artigo 11 da Lei 12/2006, do 1 de decembro, de fundacións de interese galego, e nos seus estatutos constan os requisitos exixidos polo artigo 12 da mesma lei autonómica.

Os fins, dotación fundacional, elementos organizativos e demais normas reguladoras da fundación cumpren os requisitos e condicións establecidos pola mencionada lei.

O expediente o promoveron persoas lexitimadas para iso e na súa tramitación cumpríronse os requisitos legais e regulamentarios exixidos, tanto pola lexislación autonómica vixente en materia de fundacións de interese galego como polas normas básicas estatais de xeral aplicación.

Polo exposto, en virtude das atribucións que me confire o artigo 34 da Lei 1/1983, do 22 de febreiro, reguladora da Xunta e da súa Presidencia, e de conformidade co disposto no artigo 32.3 do Regulamento de organización e funcionamento do Protectorado das Fundacións de Interese Galego, aprobado polo Decreto 248/1992, do 18 de xuño, e logo do informe da asesoría xurídica,

DISPOÑO:

Primeiro.-Declarar de interese galego a *Fundación Escuela del Desarrollo Armónico del Ser Humano*, ao cumprir os seus estatutos as prescricións que, para tal efecto, sinala a lexislación aplicable en materia de fundacións de interese galego.

Segundo.-Ordenar a inscrición da fundación no Rexistro de Fundacións de Interese Galego, sección da Consellería de Educación e Ordenación Universitaria, para os efectos constitutivos que sinala a Lei 12/2006, do 1 de decembro, de fundacións de interese galego.

Terceiro.-A fundación cumprirá co disposto na Lei 12/2006, e demais normativa de desenvolvemento e de xeral aplicación, especialmente coas obrigas de dar publicidade suficiente dos seus obxectivos e actividades e da ausencia de ánimo de lucro na prestación dos seus servizos. Así mesmo, estará obrigada a presentar ao protectorado as contas anuais e xustificar a través da memoria anual o cumprimento da finalidade fundacional, así como a presentar un plan de actuación con anterioridade ao inicio de cada exercicio económico, no que queden reflectidos os obxectivos, as actividades que preveña desenvolver durante o exercicio seguinte xunto cunha previsión das partidas de ingresos e gastos e unha memoria explicativa deste, e a realizar as preceptivas comunicacións ao protectorado nos supostos legalmente establecidos.

Cuarto.-Esta orde producirá efectos desde o día seguinte ao da súa publicación no *Diario Oficial de Galicia* e contra ela poderá interpoñerse recurso potestativo de reposición ante esta consellería no prazo dun mes, ou ben recurso contencioso-administrativo ante a Sala do Contencioso-Administrativo do Tribunal Superior de Xustiza de Galicia no prazo de dous meses, contados en ambos casos a partir do día seguinte ao da súa publicación.

Santiago de Compostela, 11 de decembro de 2009

Jesús Vázquez Abad
Conselleiro de Educación e Ordenación
Universitaria

CONSELLERÍA DO MEDIO RURAL

Orde do 21 de decembro de 2009 pola que se establecen as bases reguladoras das axudas para a prevención de ataques de lobo ao gando, e se convocan para o ano 2010.

Ao abeiro do disposto no artigo 148.1º.11 da Constitución española, en virtude do que se establece no artigo 27.15º do Estatuto de autonomía de Galicia, esta comunidade autónoma ten competencia exclusiva en materia de caza.

O Decreto 318/2009, do 4 de xuño, polo que se establece a estrutura orgánica da Consellería do Medio Rural, en relación co Decreto 79/2009, do 19 de abril, polo que se establece a estrutura orgánica da Xunta de Galicia, e o Decreto 83/2009, do 21 de abril, polo que se fixa a estrutura orgánica dos departamentos da Xunta de Galicia, di que lle compete á dita consellería a ordenación e o aproveitamento dos recursos cinexéticos.

A presenza do lobo en espazos rurais moi humanizados é, con frecuencia, causa de conflito cos gandeiros. Por iso, a Consellería do Medio Rural estableceu unha liña de axudas a favor dos gandeiros afectados por esta actividade depredadora dos lobos,